

# Goibekokale

ELGETA / Barikua / 2003ko urtarrilaren 10a / 125. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

## Loterian jasotako 18.000 euroak banatzen dihardu Goibekok

OXEL EROSTARBE

Saritutako txartelak dituztenak GOIBEKOKALEk kultura etxean daukan bulegotik pasa daitezke urtarrileko bariku eta zapatu guztietan. Txartel bakoitzak 26,4 euroko saria du. Guztira, 18.000 euro banatuko ditu Goibeko Kultura Elkartek herritarren artean.

Goibeko Kultura Elkarteko Gabonetako loteria erosi zutenek pozik ekin diote urte berriari. Erositako txartel bakoitzarengatik 26,4 euroko saria jasoko dute. Elkarteko arduradunek urtarrileko bariku eta zapatu guztietan jasoko dituzte txartelak GOIBEKOKALEk kultura etxean duen bulegoan. Barikuetan, 19:00etatik 20:00etara egongo dira bertan eta zapatuetan, 11:30etik 13:00etara. Irabazitako dirua jasotzeko saritutako txartelak aurkeztu behar dira. Guztira, 18.000 euro banatuko dituzte Goibeko Kultura Elkartekoek. Urtarrileko lehenengo astean hasi ziren saritutako txartelak jasotzen eta dagoeneko 7.000 euro inguru banatu dituzte. Txartelak erosi zenituztenoi, zorionak.




Dagoeneko herritar ugari pasatu dira GOIBEKOKALEko bulegotik Gabonetako loterian irabazitako euroak jasotzera.

### BAZKIDEENDAKO EGUTEGIAK, DOAN

Aurten ere Debagunea elkarteko egutegiak saltzen dihardu Goibeko Kultura Elkartek. Debagoeneko euskara elkaratek osatzen dute Debagunea. Hainbat herritako erretratuak batu dituzte, baita Elgetakoak ere. Egutegi bakoitzak 5 euro balio du. Elkarteko bazkide direnek doan jasoz

dezakete egutegia, GOIBEKOKALEko bulegotik pasatuta. Urtarrilean barrena, bariku iluntze eta zapatu eguerdietan izango dira han elkarteko arduradunak.

dezakete egutegia, GOIBEKOKALEko bulegotik pasatuta. Urtarrilean barrena, bariku iluntze eta zapatu eguerdietan izango dira han elkarteko arduradunak.



### Industrialdera joan nahi eta kataia ezin pasau

Pagatzako industriadian dagon Laibe enpresara makiña barrixa ekarri zeben urtarrilaren 2xan. Makiña ekartziaz arduratu bihar ziran teknikarixak bertan izan ziran bi aste lehenago, egin biharreko bidia ezagutzeko. Dana ondo neurtuta zeukela pentsau arren, nahikua lan izan zeben makiña kataittik pasatzeko. Lehenengo alegiñian 20 zentimetro ingurugaittik ez zan sartzen. Makiña zittuan kaltzuak kenduta sartu zan./O.E.

### LABUR

#### EAJ-EAren aldeko botuekin onartu zeben aurrekontua

Abenduan 26xan eztabaidatu zittuen aurrekontuak uda ordezkariak. Bittor Gallastegi, Sebastian Arantzabal eta Xabier Basauri abstenidu egin ziran. Hortaz, EAJ-EAko zinegotzixen aldeko botuekin onartu zeben 3.364.939,12 euroko aurrekontua.

Proposatutako inbertsiñuekin ados egon arren, aurreikusten diran diru sarrak zenbateraino beteko diran argi ikusten ez zebelako abstenidu ziran oposiziñoko zinegotzixak.

#### Proiektu geoteknikua egin dabe Torrealdean

Martitzenian eta eguaztenian Decolor enpresako teknikarixak proiektu geoteknikua egitten jardun zeben Torrealdean. Han egingo diran etxebizitzetan interesa agertu zeben lagunekin datorren hillabetian egingo dabe batzorra tenikarixak. Batzorra egu aurretik, babes ofizialeko etxebizitzak egittiaz zein arduratuko dan zehaztu nahi dabe. Horren etxebizitzon zozketaz zein modutan egingo dan le ordurako erabakitta eukitziz nahi dau Elgetako Udalak.

#### Pagatzara, 50 langilleko enpresa etorriko da

Dena lotuta egon arte izen jakingo ez dogun arren, Udalen eta 50 langille dituen Bizkaiko enpresa baten arren, ko harremanak nahiko aurreratu dare. Enpresa barrin Pagatzako industriadian kokatuko da. Udalak enpretxikiaguekin ere badiharren harremanetan. Pagatzako bizitza partzelazio proiektua bi hillabeten barru onartuko dabe. Ordurako, enpresa bakoitzak zein partzela hartuko dituen zehaztuta eukitzia nahi dabe teknikarixek.

JARDUNABALKOITTIK



Oxel Erostarbe

Ynestrillas zaliak

Es-kumako eskua altzau eta kantu-rreuan aritu ziran. Kanturreua bestetik ez dira eta, "cara al sol", españolen innua eta generalan aldeko berbak esatia. Ynestrillasen jarraitzailetako batzuk elgetarrak. Letrak jakitzia be! Lotsatuta bihar leukie! Lotsatuta, errespeto gutxi erakusten dotselako jaio, bizi edo etorri diran herrixai. Eta lotsatuta, euren seme-alabentzat, mundu erdara parlante, haundi eta osua nahi izatia, lotsatzeko modukua dalako. Elgetan hau gaudituta genkala uste neban. Gurasuak erdaldunak ala euskaldunak, batera jolastu izan dogu urtietan umiok. Ynestrillasen jarraitzaile diran gurasuak, honekin amaitzen dihardue.

Ozkarbixan egin zittuenak jakinda, ezin asmauka nabil, txarruak hemenguak ala hanguak diran. Ume batzuk, ez dittue merezi, dittuen gurasuak. Beste batzuk bai.

Iker, Ana, Garbiñe eta Benito ekarri nahi ditut gogora. Urtietako bidian ostian, Pariseko zikoñiak eurenian geldiunia egin dabelako. Hasi dogun urte barrixan, seme alaben negar, pauso eta berbez gozatuko dabe.

Bukaerik merezi dittu hartu izandako bidiak.

JONE MUXIKA, EUSKADIKO TXAPELDUN

Euskadiko Ziklokros Txapelketa irabazita, Espainiakoan hartuko du parte Jone Muxikak

O.E.

Gipuzkoako Txapelketan bigarren geratu ondoren, zapatuan, Euskadiko Txapelketa irabazi zuen Jone Muxikak. Bihar Asturiasen jokatu den Espainiako Txapelketan parte hartuko du elgetarrak. Helburua izango da ia lortutako hamargarren postua hobetzea.

Alfa Decoko txirrindulariak maila bikaina eman zuen Beran jokatutako Euskadiko Txapelketan. Orain arteko lasterketa guztiak irabazi dituen Nekane Lasaren aurretik iritsi zen helmugara: "Lasterketa hasi aurretik, aurrenekoen artean egotea zen helburua. Ibilbidean lokatz asko zegoen, eta Nekane Lasak arazo batzuk izan zituen bizikletako kanbioarekin. Hori gertatu zenean haren atzean nindoan, eta berehala konturatu nintzen. Hala, atzean utzi, eta minutu bateko aldea hartu nion. Nire bizikleta ere lokatzez beteta zegoen. Anaiaren eta lagu-

nen laguntza izan nuen bizikleta aldaketak egiteko. Horri eta etengabe eman zizkidaten erreferentziei eskerrak helmugara aurrena heltzea lortu nuen. Euskadiko Txapelketa irabaztea oso pozgarria izan da niretako".

BIHAR, ESPAINIAKO TXAPELKETAN

Euskadiko txapelduna izanda, bihar, Asturiasko Sotondio herrian jokatu den Espainiako Txapelketan hartuko du parte Jonek. Emakumeen lasterketa 16:30ean izango da. Elgetarrekin batera, Nekane Lasa, Erkunden Almagro, Maitane Telletxea, Ziortza Jauregi eta Naia Alzota ere izango dira han. Asturias aldean ia egindako hamargarren postua hobetzen ahaleginduko da Jone.

ASTELEHENEAN, GOITB-N IZANGO DA

Espainiako Txapelketatik bueltan, han bizi izandakoen gainean jardungo du Jonek GOITBko *Harmailatik* saioan. Astelehenean izango da, 20:15ean.



Joneren helburua da Espainiako Txapelketan hamar aurrenekoen artean egotea.




Herriko pilotarixek frontoia bete zeben Gabonetan

Gabonetako Pilota Txapelketako finalak jokatu ziran abenduaren 31n. Giro aparta izan zan frontoian, umien finalak ikustera jende ugari batu zan-eta. Aitor Gorostizak, Nagore Moralesek, Iñaki Olaortuak, Odei Zenitagoiak eta Andoni Elortzak irabazi zittuen finalak./O.E.

GOITB

Alkatea zuzenean GOITBko 'Herrilan' programan

Eguaztenian, urtarrillak 15, GOITBko *Herrilan* programan izango da Patxi Basauri alkatea. 20:30ian hasiko da. Galderak egiteko, 943 71 23 93 telefonora deitu zeinkie.



**BOLATOKI**

Taberna  
 Eguneko menua  
 Asteburuan menu bereziak, ospakizunak eta agur-afariak  
 Karta enkarguz

Artekale 2, ELGETA. 943 76 82 84

**Aperribay, s.l.**

Marmoldegi eta granitoak

Pagatza indus. z/g.  
 Tel. eta faxa: 943 78 90 21

20690 ELGETA

**SAIOA ARANZABAL MASAJEAK**

ELGETAN, DOMINGO ITURBE 10ean

- Kiromasajea
- Reflexologia
- Hidromasajea
- Kirol masajea
- Solariuma
- Drenaje linfatikoa
- Algekin eginiko estalkia

Dei ezazu 646 50 00 29 telefonora ordua eskatzeko

ERRETRATU ZAHARRA

BERGARA

# Orfeoiko Otxotea Eibarren garaile

**O**raingo asteko erretratua 1946. urtekoa duzue. Erretratuan Orfeoiko Otxoteko kideak agertzen dira. Urte hartako San Juanetan Kantu Lehiaketa izan zen Eibarko Astelena pilotalekuan, eta zortzi talde aritu ziren lehian. Jesus Berroiak emandako informazioaren arabera, taldeek ez zuten lan erraza izan, besteak beste, Jose Maria González Bastidaren *Dios te salve* lana abestu beharra izan zuten-eta. Parte hartu zuten zortzi taldeetatik sei erretiratu egin ziren. Azkenean, Bergarako Orfeoiko Otxoteak irabazi zuen lehen saria eta Errenteriako Otxotea geratu zen bigarren tokian.

Honako hauek agertzen dira erretratuan, ezkerretik eskumara: Donato Gallastegi (lehen tenorea), Juan Amilibia (lehen tenorea), Jesus Berroia (zuzendaria eta bigarren tenorea), Eulogio Zabaleta *Tita* (bigarren tenorea), Bittor Gallastegi (baritonoa), Marcial Garitano *Txara* (baritonoa), Felix Aranburu (baxua) eta Antonio Peña (baxua).



Esan bezala, bergararrek maila bikaina azaldu zuten lehiaketan. Epai-mahaian Jose Mari González Bastida, Juanito Gisasola, Francisco Escudero eta Bittor Zubizarreta izan ziren.

Argazkia: Jesus Berroia.

**ADI, IRAKURLE!**

Zure erretratu zaharra argitaratzea nahi izanez gero, zatoz BERRIGARARA (Irizar jauregia, Barrenkalea 33) edo Elgetako kultura etxera. Zain gaituzu!

NOLA ALDATU DIRENGAUZAK

BERGARA

# Aste Santuko prozesioa

**G**arai baten Bergaran Aste Santuan egiten zen prozesioeko argazkia duzue ezkerrekoa. Argazkia 1920ko hamarkadaren inguruan ateratakoa da, Zubietan. Antza denez, prozesioa San Pedroko parrokiatik irteten zen Egubakoitz Santuan. Besteak beste, Andre Maria Doloretakoaren irudia ateratzen zuten, eta herritar ugari batzen zen herriko kaleetan prozesioa gertutik ikusteko.



≈ 1925 Aste Santuko prozesioa Zubietako zubitik pasatzen. Alboan, guardia zibilak eta domingotarrak (BUA, Alfonso Gallastegi bilduma).



2002 Zubietako kalea gaur egun. Ezkerreko argazkia era zutenetik dezente aldatu da. Besteak beste, zubi ondoko etxea bota zuten duela urte batzuk.

**Zumelaga**  
JATETXEA

60 urte zuen zerbitzura!

San Antonio 5. BERGARA. 943 76 20 21

**OILAGORRA**  
TABERNA

Barrenkalea 21 BERGARA



943 76 20 61  
BERGARA

**BEHEKO**  
TABERNA

Menestra eta untxia dira gure berezitasunak

ANGIOZAR  
Tf.: 943 76 55 74



San Juan 1 A,  
BERGARA  
943 76 54 91  
Faxa:  
943 76 08 04

# UGARTE

## AROSZTEGIA-ALTZARIAK



Apainketa • Soruak • Leihoak • Ateak • Horma armairuak



## HARMAILATIK...


## Kirola bizi izateko!

Astelehenero,  
20:30ean eta 22:30ean

Aurkezlea:  
Julen Iriondo



**Ikusiko  
duzu!**



# GRUPO RKUZ

1950-2003

Zure etxea da



Araba etorbidea 20  
Tel./Faxa: 943 79 23 51  
ARETXABALETA



Araba Etorbidea 5  
Tel./Faxa: 943 79 41 82  
ARRASATE



Mitarte 3  
Tel./Faxa: 943 77 04 55  
ARETXABALETA



Andramari auzunea 1  
Tel./Faxa: 943 79 10 97  
ARETXABALETA

